

欽定剿平三省邪匪方略



欽定剿平三省邪匪方略續編卷十四

癸亥年

六月初二日

乙丑

惠齡祖之望奏言

臣

等接奉

諭旨發交長麟條奏川陝楚三省善後事宜一摺伏

查陝省南山以內村落零星從前本無堡寨嗣

因賊氛肆擾於山峯陡聳之處結寨以資捍衛

而於汲水刈薪飼養牲畜俱不甚便賊近則勉

強入寨賊遠仍卽下山現在全境肅清民人以



次復業其已無人居住者自應責成鄉保寨長  
人等拆毀以杜藏垢納污其現在尙有百姓住  
居者則暫從其便此外或有規模寬敞如平地  
堡城民人竭貲修築業已盡室安居者勢難概  
令遷移全行拆毀應飭地方官親爲查看詳報  
備案至於收繳軍器在官爲給發者自可照數  
收回其百姓前因防堵賊匪自行製造者勢不



肯遵行呈繳只可先令堡總寨長等將各管之  
寨所有軍器查明開冊報官存案官爲設局卽  
由堡總寨長勸諭居民令其開明原製之價逐  
件繳局卽照原價給發倘有抑勒短價之弊從  
重究辦再長麟請於保甲之外擬添鄉正臣等  
查保甲之法稽查奸究本屬意美法良如果奉  
行不懈儘可弭盜防奸今若於保甲之外另立



鄉正名目每鎮每村選舉一人概子頂戴不惟  
難得如許可信之人且恐恃符把持爲鄉里之  
害又選用文生員充當鄉鐸停止會考優貢一

條亦似無益於事又查各州縣均舊有養濟院

棲流所

臣

等現已飭屬將老弱無歸之人收集

養贍其房間或有不敷酌加添蓋至年壯之人  
或爲夫役或佃種謀生亦均令餬口有資不致



流離失所至軍功鄉勇已賞翎頂願入營伍之人已隨時派赴各營嫻習紀律其不願入伍者俱經資遣回籍再查陝省鄉勇其就地雇覓防守者賊近則聚賊遠卽散多係務農營業之人毋庸另籌安插惟隨征鄉勇來自川楚者居其大半自上年秋冬以次撤遣川楚地方官尙能妥爲安頓未聞有滋事之處至籍隸本省之鄉



勇經各營募補兵額日習營規現仍嚴飭地方  
官不時稽察一有滋事之犯卽行嚴拏懲治奏  
入

上命軍機大臣傳諭惠齡祖之望曰惠齡等議覆長  
麟條奏各事宜所議甚是但恐不肖吏胥遇有應  
拆寨堡得錢隱匿容留匪類居住其百姓現住寨  
堡或因勒索不遂轉押令拆毀此則當嚴行懲治



以杜擾累至收繳軍器命堡總寨長等先將該管  
各寨軍器查明開冊報官勸令百姓呈明原製之  
價到局銷繳卽照原價給發不得假手吏胥刁難  
尅減至如長麟所奏添設鄉正鄉鐸名目惠齡等  
旣稱格礙難行且恐名器過濫轉或恃符把持爲  
鄉里之害此二條自無庸議又查覆收養老疾無  
業窮民並安插鄉勇軍功等事所辦俱妥



初四日丁卯德楞泰奏言臣接楊遇春來信據外

委陳登科軍功楊昌太稟報趕賊至另境之桃李坪除沿途逃散外只剩十八人連夜前往截

殺六名生擒十二名此起零匪全行掃淨又副都統富僧德等帶兵自歸州之白馬灘過河追

至南沱沿途殺斃賊匪五名生擒四名撲河淹斃二名餘匪十三名並向東奔所竄之路馬不



能行毛秉剛史定川遂帶領步隊緊跟追剿又  
副將張應貴等分兵由大江北岸搜查千總胡  
超等拏獲賊匪二名叅將王占鰲等探得柳池  
地方有賊十數人藏於林內帶領兵勇冒雨分  
投前進把總鄒全軍功謝貴等首先鑽林生擒  
偽總兵傅剛一名殺賊一名鄉勇巴貴潘貴擒  
賊二名滾巖落水者四名撲河淹斃者五名此



起剿洗淨盡叅將馬文斌遊擊余陞趕追零匪  
四十餘人沿途搜剿只剩三十六人在興房極  
險老山林內旋轉奔逃經守備謝金章等追至  
蘿筐巖洞探得該逆搶去百姓黃牛四隻向老  
屋殿而去卽令寨民帶路趕至該處各逆正在  
宰牛燒食被謝金章帶兵撲殺斃賊七名生擒  
六名追至巖邊又殺賊五名餘匪十八名捨命



東奔官兵仍分五路排搜又總兵慶溥帶兵回防二竹探得獅子垭仙女山等處有賊匪十七名現在就近搜剿副將孫應奉一路把總陳國連擒獲賊探一名又據副都統銜都當阿總兵李天林稟報自與蒲尙佐會商後沿途分兵大寧回北遍搜各山內均無零匪隨至磨刀溪與豐紳會合詢知川楚東北界上並東南一帶俱



屬安靜寧謐又接豐紳來信親督官兵由川楚  
交界之雙橋子張公橋黃石板界嶺放馬塼天  
池壩向楊板白菓園後窖一帶老林排搜至磨  
刀溪與李天林會商後又分路由界嶺燈蓋窩  
老木孔沙包子九龍頭等處老林遍搜無賊仍  
於後坪雙橋子扼要兼顧並多差遠探隨時截  
剿又稱大寧山內太平交界之後坪新田壩百



里荒後溪河紅池壩加當灣桐油壩湯家壩一  
帶老林均已無賊又總兵蒲尙佐等稟報探得  
都司曾勝自界嶺趕追賊匪二十餘名入川由  
巫山一帶西竄叅將虎正林連夜抄截至土地  
嶺東溝殺賊一名擒獲二名滾巖者十餘名餘  
匪北竄楚境曾勝等尾躡緊跟其由紅坪竄來  
之賊三十餘名卽吳熊光所奏由川竄入雞心



嶺二三十名之賊楊遇春已令都司張起鰲崔  
有源帶兵勇六百名抄剿查全楚各路官兵現  
搜之零匪共計八起每起不過六七名十餘名  
至多者亦不過二三十名均有重兵跟追頃據  
川省來信聞副將馬元遊擊劉彪等在開縣鳳  
臺寺大梁剿殺賊匪五名生擒二十名川北一  
帶業已肅清所有川東等處山之內外約共零



匪不過三四百名額勒登保現進太平山內趕  
辦勒保已帶兵由開縣東進計川境不日即可  
一律告蕝臣督兵過楚分飭各路鎮將兵勇深  
入遍搜除慶溥馬文斌所追兩起零匪共三十  
名外實已毫無遺孽現擬令吉林泰帶兵駐於  
巴東之火峯界嶺逐日分兵在於巴東興歸一  
帶山內無賊則往來巡邏有賊則迅卽查拏其



屏境並巴東竹山邊界擬令李天林帶兵屯於  
陰條嶺令慶溥仍向二竹扼於雲霧溪巴豆園  
如此分段各專責成再將川境豐紳並蒲尙佐  
等官兵擇要設防逐日會哨巡查搜捕不但零  
匪不能漏網卽有土賊亦必滅跡潛蹤奏入

上命軍機大臣傳諭德楞泰曰此次德楞泰督飭各  
路將領分投搜捕剿淨兩起殘匪現在楚境零匪



合計不過百名自可卽日掃除惟閩摺內有十數  
餘匪派兵數百名跟追者誠恐官兵過多聲勢過  
大賊匪轉得聞信逃匿官兵徒勞跋涉自應酌分  
數路分投截捕庶到處有兵賊匪無從漏網此旨  
到時德楞泰如已將全楚餘匪悉數殄除因屬該  
善倘殲除過半所餘已屬無幾卽責成慶成督率  
將領在彼窮搜並令吳熊光嚴飭地方官隨時緝



捕德楞泰卽移師入川沿途逐加排搜設有川省  
餘賊被剿緊急向楚東竄者德楞泰正可迎頭截  
擊總當於迅速之中勿稍有草率爲要

初五日

戊辰

吳熊光奏言連日接據探報有賊匪

三四十人在歸州白石崖方尖山山林內四散  
藏躲系將李貴王占鰲帶兵入林搜剿擒獲賊  
匪田世雲等二名千總胡超帶兵截住溝口又



擒獲賊匪四名追至柳池生擒偽總兵傅綱並  
斃賊多名又興山委員張霖於白菓園老林內  
搜獲賊匪一名天心寨寨長盧志道率勇剿斃  
賊匪二名生擒一名又十三日午後有賊數十  
人自天心寨竄至草池溝白栗垭經團長孫維  
仁等集勇堵剿鎗傷賊匪二名陣亡寨勇魏名  
高等二名十四日有零匪二三十人竄至紅坪



馬鬃嶺竹山一帶守備辛得勝等追賊至香溪  
峽擊斃賊匪三名一賊滾崖跌斃餘匪由後面  
老林奔逃現同提督楊遇春派來之都司張起  
鰲等分投搜捕又接楊遇春來信前由興山竄  
入房縣之賊分爲兩股一起三十餘人由紅坪  
西竄都司張起鰲崔有源等趕至漆垭子林內  
生擒活賊蔡世昇等四名楊遇春因尙有分股



零匪一起遁匿房境紅花梁一帶卽往督剿並  
據探報二十五日夜有賊匪一起由紅花梁一  
帶竄至羊叉河屯聚空屋內經楊遇春帶兵乘  
夜襲擊除殲斃外拏獲活賊十餘名所剩餘匪  
只有數名臣查此時房竹界內只零匪兩起有  
在興歸一帶剿潰者亦有由邊境老林逸入者  
節次殲擒外所剩亦不過數十名現有楊遇春



噶拉督兵搜捕不日似可淨盡其南路歸巴一  
帶潰匪或十餘人或二三十人各爲一起並有  
三五爲羣四散分逃爲數已屬無多

臣

與德楞

泰札商凡殲擒賊匪賊目除照德楞泰等奏定

章程給賞外並出示曉諭寨勇人等有實在出

力殲擒真正賊匪者

臣

仍於賞項銀內再加一

倍賞給以期迅速肅事又據巴東縣崇葆光稟



報有被裹難民周維才帶同賊匪李珩赴卡投誠<sup>臣</sup>查李珩從賊已久本屬罪無可赦但既經悔罪投誠自應欽遵節奉

恩旨貸其一死已飭將李珩解回四川開縣嚴加約

束

同日吳熊光全保奏言<sup>臣</sup>等伏查安插鄉勇實

爲善後第一要務楚省元二等年教匪滋擾各



屬所募鄉勇較多年來逐次裁撤不下八九千人其有業者早經復業間有隻身無業之人或充當夫役或傭工小貿間有結隊滋擾者經臣等查出立即

奏明分別正法發遣該鄉勇等觸目儆心已知畏懼敏戢計目下留營戡剿及護送糧餉軍火者共三千餘名此等隨征鄉勇頻年戰陣嫻於技



藝惟有令其補充兵額既可藉其鈴束又於營  
伍有裨惟隻身無業而又不願入伍之人散遣

稍難

臣

等公同酌議現在應撤鄉勇三千餘名

川陝之人仍照經畧額勒登保奏定章程每名  
賞銀三兩並按程每日給子糧錢八十文護送  
回籍安插其楚省鄉勇亦照額勒登保原奏隨  
征進剿之勇每名賞銀三兩其坐卡防堵及護



送軍火糧餉者每名賞銀一兩仍計程給發口糧再查明無業可歸各勇無論隨征防卡每名酌給應分叛絕各產銀二兩先行籌欸墊支同賞賚銀兩一併給發俾得項稍寬卽可作爲回籍謀生資本設遣散之後罔知安分卽當按律嚴懲不致復貽後患均奏入

上命軍機大臣傳諭吳熊光曰吳熊光奏探報各路



官兵搜剿餘匪情形與昨日德楞泰所奏大畧相同現在德楞泰卽須移師回川楚省尙有零星餘匪務期窮搜淨盡著責成吳熊光慶成督率辦理總在剷絕根株勿留遺孽爲要又會同全保奏籌議安插鄉勇一摺請查明無業可歸者除照例分別賞給外每名再酌給應分叛絕各產銀俾得項稍寬作爲謀生資本亦祇可如此辦理但原奏內



每名加給銀二兩卽合之伊等原得賞項至多亦不過五兩倘伊等領去之後隨手花消仍屬易盡又安保其再無爲匪情事亦斷無飽其所欲多費帑項之理總當於散遣後飭令沿途護送各員留心約束毋任滋事并於到籍之後交本地方官嚴密稽察妥爲駕馭勿令散而復聚自不致結隊爲匪設尙有不安本分者卽按律嚴辦示懲方可日



臻寧謚

上又命軍機大臣傳諭馬慧裕曰現在湖北辦理善後事宜著馬慧裕於豫省存貯項下撥銀二十萬兩解往湖北交吳熊光收貯備用

上又命軍機大臣傳諭馬慧裕並各關監督曰現在川陝楚辦理善後事宜需用較多著傳諭閩粵江浙等省各關監督等將本年陸續征收銀兩湊足



十萬兩或五萬兩之數卽遴委妥員解往河南交  
馬慧裕存貯藩庫候旨動撥

初六日癸卯興奎奏言臣由洋縣取道入山沿途

俱極安靜行抵寧陝所屬之四畝地適楊芳吳  
廷剛自東北追搜零匪經過面詢近日賊情據  
云官兵分爲五路令都司朱承受帶兵插入嶺  
南都司蘇超插入嶺北緊靠大梁西北而進令



把總袁華俊帶兵沿嶺排擠與兩路電聲聯絡  
楊芳在朱承受之外一層吳廷剛在蘇超之外  
一層各於老林中由東向西逐處窮搜縱有從  
前未經搜到之遺落零匪亦可乘時擠出剪盡  
根株復據楊芳稟稱現在於頭道溝內查有賊  
匪四人在彼潛匿當卽帶兵進林外委陳貴射  
死一名又旗手王文龍戳死一名將格阿帶傷



之二匪擒住訊係前於東木河被剿跑散之賊  
均卽正法又都司朱承受於田谷腦文公廟搜  
殺零匪三人遊擊朱集才陸續搜獲零匪六名  
臣現遵

旨帶領原來兵勇出山仍回元壩子督防邊界奏入  
上命軍機大臣傳諭與奎曰南山零匪本祇剩二三  
十名此次復經楊芳等分路排搜擒斬十三名盤



獲九名餘匪亦形減少與奎回至元壩子督防邊界惟常督率嚴密巡防毋任餘匪一名竄入爲要

初八日辛未額勒登保勒保奏言臣額勒登保因

山內零匪分股竄逸隨飭田朝貴帶兵由新田壩向紅池壩達斯呼爾岱羅聲臯帶兵向中占

溪圍城分路探剿據報達斯呼爾岱羅聲臯所

剿之賊竄向十五丈溝老林臣額勒登保恐其



竄出南面連夜分派叅將特依順保等帶兵設  
伏截擊該匪探知北竄經哈豐阿劉健標追至  
林內殲斃四名生擒五名又據田朝貴稟報沿  
途斬獲零匪數名追至圍城殺斃賊目一名又  
斃散賊八名生擒賊匪賀朝章一名係老教戰  
手卽行正法賊又分股奔竄有賽冲阿派令陝  
界防剿副將閻俊烈令把總官智忠外委黃大



文帶領兵勇一百餘名向東探剿在九嶺子大  
梁圍捕殲斃賊匪五名趕至土地溝又乘夜圍  
剿殲斃賊匪五名生擒七名臣額勒登保行抵  
董家坪知勒保由綏定移師前來在縣壩一帶  
防顧西面卽趕至縣壩與臣勒保會晤途次據  
副將唐文淑稟報遊擊劉元明趕剿西竄之賊  
追至田灣出其不意分兵圍搜當斃賊匪五名



生擒三名又追斃賊匪三名生擒七名劉元明等仍復追剿唐文淑恐有落後剿散零匪復分派弁兵搜捕連日經把總譚恩在土黃壩林內搜獲賊匪二名把總李錦明在濫泥壩搜獲賊匪一名叅將羅思舉帶勇在於羅漢洞林內窮入搜捕擒獲積年陳賊四名又東鄉縣役李坤帶同寨民在校羅洞搜獲賊匪二名並據國興



阿汪啓稟報該鎮等防剿官兵連日搜巡擒獲  
逃散零匪九名臣勒保接據防守巫山之總兵  
蒲尙佐稟報叅將虎正林遊擊晉之連搜捕至  
牯牛窖殺斃賊三名生擒四名賊匪滾崖跌斃  
三四名總兵達自祥派遊擊蕭太和在梓潼溝  
一帶搜殺先後獲賊四名內有斬鳩才者卽斬  
逆之姪餘俱戰手當卽正法守備何天順在青



家山搜捕零賊生擒一名殲斃七名伏查現在  
零賊情形惟以避兵爲事每在山林高處潛匿  
窺伺官兵一到賊卽翻山遁走一遇官兵追剿  
緊急滾崖泗水倖逃顯戮隨地掠食卽樹根草  
皮均可充饑惟恃老林爲蔽身之地若責成地  
方官又恐有名無實此時該境已經無賊楚省  
餘匪只剩二三百人川境餘匪山內不過二百



人山外亦不過二百餘人零星散竄只以搶掠  
爲事其勢已成囑匪並非從前抗拒情形臣等  
現另籌變通之策辦理奏入

上命軍機大臣傳諭額勒登保德楞泰勒保曰額勒  
登保等奏此時川省零匪統計不過四百人而搜  
捕未能卽時淨盡據稱賊匪零星惟以避兵爲事  
自係實在情形朕亦深悉搜捕之難此時若仍以



數萬兵勇剿此零星竄匪稽時糜帑誠屬不值是以節次降旨諭令分兵搜捕不可以大隊之兵搜剿零賊徒勞跋涉但既有此零星分股之賊不能上緊殲擒卽云其勢已成囑匪豈囑匪獨不爲地方之害亦應趁此兵力盡數掃除况此次田朝貴一路所獲賊目賀朝章卽係老教戰手羅思舉擒獲賊匪四名均是積年陳賊蕭太和搜獲四賊內



斬鴻才係斬逆之徑可見此等賊黨逆族偷竄餘生亦尙不少必當悉行剗滅以絕根株今額勒登保奏稱另籌變通之策自必思減撤兵力節省錢糧而摺內又未將如何變通之法聲敘朕思現在官兵儘敷派撥且鄉勇所得分例較多莫若先將各處鄉勇裁撤則節費已屬不少額勒登保惟儘現有之兵分派鎮將將餘匪搜剿淨盡然後再議



撤兵且朕所謂辦理淨盡者原非必一匪不存但如成股之賊或百人或數十人者必當散其黨類斷其脅從使之不能再合零星散竄即可搜剿無遺若祇剩一二散匪未經散盡不過潛匿逃生無能再行勾結自即可馳奏竣事至所稱責成地方官查拏餘匪恐有名無實所論亦是但如本日摺內所稱東鄉縣差役李坤帶同寨民在梭羅祠拏



獲賊匪二名近年以來地方官似此認真查拏亦復不少惟大兵未撤以前官軍不時往來境內地  
方差役人等俱得憑藉聲勢易於查拏若兵力全  
數裁撤惟恃州縣辦理勢自有所不能額勒登保  
等總當將成羣合夥之賊全數辦竣所剩不過一  
二竄匿之徒彼時自應責成地方官緝捕前據德  
楞泰奏楚省賊匪業已窮搜殆盡現擬交與慶成



分飭鎮將趕緊搜捕卽自行移師入川額勒登保  
德楞泰勒保三人會晤之後務卽上緊設法將川  
境零匪一律肅清辦理完善爲要

十二日

亥

乙德楞泰奏言據叅將毛秉剛等稟報

探得天寶山武子山百里山各老林內藏有零  
匪分兵四面圍搜殺斃賊匪一名擒獲二名搜  
至屈家灣又生擒三名又在黃金埡一帶共搜



獲五名又叅將馬文斌遊擊涂陞于龍洞寨盤  
獲賊匪一名又天保寨拏獲賊匪一名守備謝  
金章等又由胡家冲追來賊匪二十餘人至房  
縣之羊岔河遊擊涂陞當卽帶兵分投趕追適  
有楊遇春派來之叅將祝廷彪搜賊至扁担溝  
從旁抄出迎剿殺斃五名生擒九名又接楊遇  
春來信守備呂天俸一路在凍耳溝生擒賊匪



一名把總劉琥一路在天坪老林殺賊一名生擒六名候補千總唐大德一路在房縣扁担溝生擒賊匪一名又據孫應奉稟報都司曾勝守備胡光煥等自川界截回東竄賊匪二三十名與山內一起零匪合夥當令遊擊銜都司麻光裕抄截至謝家灣老林正值賊匪迎面而來一見官兵卽行折竄麻光裕率兵勇力追殺賊一



名生擒三名又令外委李萬芳搜捕賊匪三名  
又據委辦興山縣西路團勇試用從九品李元  
盤獲賊匪二名叅將王占鰲李貴等連日順江  
沿山分兵十餘路排搜至白家河石土地垭與  
副將張應貴等會哨共搜獲賊匪三名副將張  
應貴馬應國在萬古寺一帶搜獲賊匪七名總  
兵蒲尙佐連日分派兵勇在邊界各林內遍搜



均無賊蹤蒲尙佐扼駐於龍泉寺仍逐日分兵

遍加搜巡

臣

約計老山內零匪亦不過五六十

名以此數路重兵分投搜拏不日實可掃淨其

歸巴沿江山內約計尙有零匪一二十名現有

副將張應貴馬應國呢瑪善叅將毛秉剛王占

鰲李貴沈洪遊擊曾勝都司史定川等九路逐

處排搜其房縣所屬之紅花梁八角廟紫竹二



帶尙有三五零匪現在楊過春分兵十路搜拏  
計亦易於肅清各獲犯內訊有各路軍營落後  
脫逃鄉勇徐貴等八名據供我等原因家中窮  
苦充當鄉勇度日現在就要撤兵官賞銀只有  
三兩不能謀生是以大家商定不如趁零賊未  
完乘空搶刦臣將該犯等一併正法以警衆心  
而安良善又查東面現已無賊惟興山之北房



縣之南一帶老山素爲賊匪往來藏匿之藪現  
擬將各路兵勇再行分爲多路自東南向西北  
逐一排搜又查賊匪無幾而官兵數逾百倍未  
免受其牽綴今將分駐之兵酌分一半裹糧五  
日在於各老林內逐日往來會哨見面不但三  
省零匪絕蹤而于官兵搜捕事宜又可以逸待  
勞俟各鎮將遍巡一次之後令其出具切實鈐



結存案備查設有逸匪出于何段卽惟鎮將等

是問臣現已擬定自巴東之界嶺馬寨羅平界

河壩陳家坡堆子場六處酌爲一段派將佐六

員各駐一處共安兵二千三百名令總兵吉林

泰統轄其自竹谿之老爺頂三層河馬鬃嶺竹

山之長村壩四處酌爲一段派將佐四員各駐

一處共安兵一千八百名令總兵慶溥統轄其



自房縣之陰條嶺相思嶺馬雲頂順水坪高橋  
河國公坪六處酌爲一段派將佐六員各駐一  
處共安兵二千四百名令總兵李天林統轄其  
竹谿迤北豐溪平利之鎮坪一帶已有楊遇春  
總兵喜明等分投扼駐兼顧川陝至於川境自  
巫山之三匯鋪龍泉寺八石坪琴樂坪四處酌  
爲一段派將佐四員各駐一處共安兵一千五



百名外有新設大昌營守備蘇國棟額兵二百五十名又協防兵二百五十名均令總兵蒲尙佐統轄其大寧之雞心嶺後坪磨刀溪通城四處酌爲一段派將佐四員各駐一處共安兵一千八百名其傷兵勇及新設徐家壩汛守備曾大用額兵二百五十名又協防兵二百五十名均令豐紳統轄仍駐徐家壩似此疆界劃清俾



無淆混推諉各專責成統俟山中零匪搜剔淨  
絕卽將隨征鄉勇先爲裁遣安插次將外省官  
兵撤遣至分防各處多係老山箐林馬力不能  
施展其東三省馬隊共三百餘員名臣均卽抽  
出令其前赴房縣聽候吳熊光酌量裁撤奏入

上命軍機大臣傳諭額勒登保德楞泰勒保曰此次  
官兵分追零匪均有斬獲統計楚省零匪不過數



一人可期尅日剿淨計此旨到時德楞泰竟可無庸兼顧將搜捕之事責成吳熊光慶成德楞泰卽帶兵赴川與額勒登保勒保會商搜捕所有四川邊境老林亦當如湖北所定章程分段安設官兵各專責成逐路排搜會哨想額勒登保等前摺所稱變通辦理之計亦不過如此額勒登保與勒保務將善後事宜周詳妥辦先撤鄉勇再將各路征



兵以次裁撤至鄉勇曾經殺人搶掠之陳貴等八  
名一併正法一節所辦亦是此事朕早經慮及是  
以節次降旨令各督撫等妥爲安置該犯等因現  
須撤兵乘空在外搶刦卽與逆匪無異自應嚴加  
懲治惟各路軍營鄉勇本因窮困不能度日是以  
投營効力今大兵陸續裁撤該鄉勇自知回籍後  
不能謀生妄思趁賊匪未完之先搶掠財物冀圖



河家生理此亦饑寒所迫出於勢不得已迨至身  
羅罪網又不能不置之於法該鄉勇從前著有微  
勞今竟以無業可歸陷於重辟其情究屬可憫著  
勒保吳熊光等遵照前旨務須督飭承辦各員將  
撤遣鄉勇一面剴切曉諭有犯必懲一面設法安  
頓俾有衣食之資不致流而為匪方為長策

十五日

戊寅

吳熊光奏言查亦將李貴王占鰲等



帶領兵勇由歸州龍令觀一帶向東排搜據報  
五月二十三日搜有賊匪十餘人在葉灘北山  
梁箐林伏匿當經追殺四名生擒三名房縣九  
道梁巡檢余遠思在老虎埡林內搜獲賊匪一  
名又有賊匪十餘名由青山坵竄至石板溝除  
經叅贊德楞泰派來備立擒獲賊匪七名外復  
經三和寨團勇擒獲一名前接楊遇春來信叅



將祝廷彪在鐵廠老林殲斃賊匪三名生擒王  
相及馬氏兩名口千總唐大德在五堂口殲斃  
賊匪二名生擒馬仲伯及尤氏二名口把總蒲  
明在紅花梁生擒張海劉老么二名現據探報  
自陰峪河竄來賊匪數十人有向硝硐之勢楊  
遇春卽帶兵向西排搜並迎擊陰峪河竄來之  
賊又據竹谿縣徐如瀨稟報提督楊遇春派出



都司張起鰲崔有源追剿西竄賊匪在竹谿蕭  
家坡殺斃賊匪五名生擒三名餘匪已漸次肅  
清奏入

上命軍機大臣傳諭吳熊光曰楚境零匪此時業已  
垂盡惟陰峪河奔竄合夥之賊亦不過數十人又  
經官兵分路擒截益形減少吳熊光當嚴飭吉林  
秦孫應奉等上緊追截就地辦淨勿使再有他竄



至零匪等四散奔竄固當扼要防捕尤須曉諭各處寨勇人等以從前賊勢鴟張有向各村寨掠取食物或恣意強索爾等因心懷畏懼任其肆刦非惟不敢抵禦甚或與以接濟均所不免事屬已往亦不追究今大兵搜捕將竣賊勢已極衰蹙倘有零竄匪徒經過各村寨意圖掠食或官兵一時未到該匪等在彼停留爾等務當同心協力趕緊擒



捕送官辦理况現在大田將屆成熟新穀指日登場尤恐該匪等猝行竊掠爾等各當加意防護嚴密守禦則匪徒日食無資自不能苟延殘喘慎勿稍有畏葸致令疎脫設有私行接濟情事一經查出必當歸行治罪如此明白示諭並酌量懸立賞格俾寨勇等知所威奮合力查拏於搜捕自屬有益